

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ باره در

تجدیدیه

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ باره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه یه متعلقدر

تجربیات

انقره ولایتی استیناف محکمه سی جزا دائره سی ریاستی خداوندکار ولایتی استیناف محکمه سی مدعی عمومیی سعادتلو اسماعیل حتی بکه خداوندکار ولایتی استیناف محکمه سی مدعی عمومیی حلب ولایتی استیناف محکمه سی مدعی عمومی سابق رفعتلو توفیق افندی به پراویشته قضاسی بدایت محکمه سی ریاستی مکتب حقوق شاهانه مأذونلرندن یوسف جمال افندی به جمر ارکنه قضاسی بدایت محکمه سی ریاستی اورته کوی قضاسی بدایت محکمه سی مدعی عمومی معاونی محمد اسعد افندی به اورته کوی قضاسی بدایت محکمه سی مدعی عمومی معاونلکی آیدین ولایتی مرکز تجارت محکمه سی اعضای سابقه سندن بدوسا کی افندی به

کوبرلی قضاسی بدایت محکمه سی مدعی عمومی معاونلکی مکتب حقوق شاهانه مأذونلرندن نعمه افندی به تقویض بیورلمش ومومی الیهمدن اسماعیل حتی بک ایله توفیق واسعد افندیلرک مأموریت سابقه لرینه حین تعیینلرنده امر تحلیف لری اجرا قلمش اولدینی کی یوسف جمال ونعمه افندیلرک دخی ذات شوکتیات حضرت خلافتناهی به ودولت علیه لرینه صادقانه حسن ایفای خدمت ایده جکلرینه وخلاف ناموس و صداقت ومغایر عدالت احوال وحرکاتی ده ارتکاب اتمیه جکلرینه، دائر امر تحلیف لری اجرا وبدوسا کی افندیلرکده اولوجهله لزوم تحلیفی محله تبلیغ وانبأ قلمشدر.

تبلیغات

ماردین سنجانی مرکز قضاسنک بیک اوچوز بش سنه سی توتون عشری بدل التزامندن طولانی ماردینلی داود افندیلرک غیر از تسویه دینی اولان ایکی بیک کسور غروشک تحصیلی حقنده دیون عمومیه اداره سی جانبندن

اقامه اولنان دعوی اوزرینه رژی شرطنامه سنک یکرمی التجی ماده سی موجبجه توتون عشرینک رژی انبارلرندن استیفاسی ایجاب ایده جکنه نظراً اشبو عشرک احاله سنه اداره مذکورک حق وصلاحیتی اولدیغندن بحثله منع معارضیه دائر لواء مزبور بدایت محکمه سندن ویریلان اعلام تمیزاً تصدیق اولنش ایسه ده دیون عمومیه نظامنامه سنک اون التجی ماده سنک بشنجی فقره سیله اداره به تودیع اولنان صلاحیت رژی شرطنامه سنک سالف الذکر یکرمی التجی ماده سی حکمیه رفع والغا ایدلدیکندن آتیا دخی بومثللو احواله میدان ویرلامه سی ضمیمه محاکم عدلیه رؤسائک نظر دقتلرینک جلی لزومی اداره مذکوره قومیسر لکنندن باتذکره بیلدرنش وروش اشعاره وماده مذکوره مندرجانه نظراً اداره نک اعتراضی موافق کورلدیکی حقوق مشاورلکنندن افاده قلمش اولدیغنه دائر مالیه نظارت جلیله سندن وارد اولان تذکره اوزرینه ایجاب کیفیت انجمن عدلیه جه لدی التذکر رژی شرطنامه سنک یکرمی التجی ماده سنده « شرائط امتیازیه اقتضاسجه بعدما زراعت حصوله کتوره جکی توتونلر رژی مغازه لرینه تودیع وتسليم اولنه جغندن ودولته عائد عشر دخی زراع مالی میاننده رژی مغازه لرینه کیرمش بولنه جغندن ناشی حکومت سنیه بوندن بویه دخان عشرینی رژی مغازه لرندن آرایه جق، دیومندرج اولان صراحت ایجابجه دیون عمومیه اداره سنک توتون اعشارینی طوغری بدن طوغری به زراعتدن آلمق صورتیه شوکا بوکا احاله والزام خصوصنده اولجه حائز اولدینی صلاحیت اصول وقواعد انحصاریه ایله رفع ایدلمش اولدینی کی دیون عمومیه نظامنامه سنک اون التجی ماده سنک کذلک استناد ایدیلان بشنجی فقره سی مندرجاتی دخی عشر مذکورک اداره مزبوره به تودیع ایدلدیکندن عبارت اوله رق کافی السابق الزام واحاله سنی تجویز ایدر برصراحتی غیر جامع بولنش اولدینی جهته محکمه تمیزدن تصدیق اولنان اعلام ابتدائی حکمی بولنده واصول وقواعد انحصاریه به موافق صورتده اولدیغندن بوبابده محاکم رؤسائک انظار دقتی جلیه

حاجت کوریه مدیکی افاده اولنش کیفیت اولوجهله عدلیه نظارت جلیله سندن نظارت مشارالیه به جواباً اشعار قلمشدر.

قتل جرمنندن دولای ۱۲ صفر سنه ۱۳۱۵ تاریخندن بالا اعتبار اون بش سنه مدته کورک جزا سنه محکوما بودرومده محبوس بولنان قومانونه نک بکتاشلی زیر قریه سندن کورکی ولد میقونک غیر قابل تداوی وساری بر مرضله معلولیتی جهته بر محل مخصوصده تداوی اولمق اوزره عفو عالی به مظهرتی خصوصنه بالاستیدان اراده سنیه جناب خلافتناهی شرفتعلق بیورلمش واقتضاسنک ایفاسی عدلیه نظارت جلیله سندن آیدین ولایتی استیناف محکمه سی مدعی عمومیلکنه تبلیغ واشعار قلمشدر.

محاکمات و مقررات

سنیچه سنجانی بدایت محکمه سی جزا دائره سی رئیس سابق احمد رفعت افندیلرک اوراق انفصالیه ومدافعه نامه سی انجمن انتخاب مأمورین عدلیه جه لدی التذقیق جواز استخدامنه قرار ویرلمشدر.

کورهله قضاسنک آراق قریه سندن چولو اوغلی کریمه سی فاطمه بی قتل قصدیه جرح ایتمسندن دولای جنایتله اتهام اولنان مزبورک زوج مطلق کرد ابراهیمک اوچ سنه مدته کورکه قونلمسند دائر طربزون ولایتی استیناف محکمه سی جزا دائره سندن ویریلان التمش بر نومرولی اعلام

تور حال ناحیه سنک حمام محله سندن قورد اوغلی عبداللطیفی قتل ایدلدیکی ادعا قلمسندن دولای جنایتله اتهام اولنان محله مذکورلی مهجی اوغلی محمدک اون بش سنه مدته کورکه قونلمسند دائر توقاد سنجانی بدایت محکمه سی جزا دائره سندن ویریلان بدیوز الی بر نومرولی اعلام

مصطفائی بالنسازعه جرح و قتل ایلدیک
ادعاسندن دولای جنایتله اتهام اولنان فتح اوغلی
ابراهیمک اون بش سنه مدته کورکه قولمنسه دائر
قره سی سنجانجی بدایت محکمه سی جزا دائره سندن
اعطا قلنان ایکیوز اوتوز آلی نومرولی اعلام
قره حصارک بیوک چوبانلر قریه سندن جولاق
اوغلی صالحک کیفیت قتلندن دولای جنایتله اتهام
اولنان بوجک اوغلی احمدک اون بش ودیکر احمد بن
حاجی علینک بش واسماعیلک اوچ سنه مدته کورکه
قولملریسه دائر قره حصار صاحب سنجانجی بدایت
محکمه سی جزا دائره سندن ویریلان یوزادچ نومرولی
اعلام

برهانیه قضاسنک اوندق قریه سندن حاجی خلیل
اوغلی خلیلک قوسی کلیدی قیره رق اشیا سی سرق
ایلدیکری ادعا قلنمستندن دولای جنایتله اتهام اولنان
سوبکلی دره قریه لی خلیل بن عمر و عثمان بن احمدک
اوچر سنه مدته کورکه قولملریسه دائر قره سی
سنجانجی بدایت محکمه سی جزا دائره سندن ویریلان
بیک اوچوز اوتوزر نومرولی اعلام
همت اوغلی صالحک ماده قتلندن دولای جنایتله
اتهام اولنان شکری بن عثمانک اون بش سنه مدته کورکه
قولمنسه دائر قره حصار شرقی سنجانجی بدایت محکمه سی
جزا دائره سندن ویریلان ایکیوز الی درت نومرولی
اعلام محکمه تمیز جزا دائره سنجه تصدیق اولمشدر.

۱۹۰ نومرولی نسخده مندرج درسعادت جنایت محکمه سی اعلامنک مابعدی :

و ذکر اولنان آخو رک درونه دخول ایدیه رک درت
ایاقی زرداندن یو قاری به چققدقه درت شخصک
اوزانوب یاتمنسه الو برشی رخته پوش واوزنده فرسوده
بربورغان و بورغانک بعض محله ده دم آناری و تحته
پوشک ایکی تحته سی دم کی برمایله ملوث و قورومش
اولدیفنک کورلیدی و جریده استعمال ایدیلان آلات
واسلحه دن هیچ برشی ظهور ایتمدیکی منظور بولنش
وطیب زاپورنده دخی عثمانک جسدی مدفون اولدینی
محلدن چقاریله رق کشف و معاينه اولندقه وسط
القامه و البینه سیاحه صاج و قاش و یقیل تخمیناً اوتوز
بش یاشلارنده بر شخص اولوب جسدک رأس طرفی
زیاده جه اولق اوزره صدر و بطنده علامت قفسخ بولندینی
ورأسنک بقه جدار سی اوزرنده اوچ ساتیمترو قدر
برصیریق وصول ناحیه جدار سی اوزرنده بش ساتیمترو
طولنده عمقی عظمه قدر و بر طرفی ایکی ساتیمترو
طولده شعبی برده جرحه وصول صیوان اوکی وجه
داخلیسنده و جرای اذن خارجی به طوغری بر مقدار
علاقات دمویه و صاغ یدی راحه سنک حذب و وحشیسی

قربنده عالیدن اسفله انسیدن وحشی به منجر فامشکل
عمقی عضله درونه قدر اون ساتیمترو طولده آلت
قاطعه ایله حصوله کله دیگر بر جرح و بطنک ناحیه
شروسفیه سی و سطنده بش ساتیمترو طولده ایکی
یوزی کسکین آلت قاطعه اوچله حصوله کله جوف
بطنه نافذ و مستعوض بر جرحه و بونک دروندن بر
مقدار عرو و معاينه سنک خروج ایلدیکی و بوجرحه
نک همان اتصالده درت ساتیمترو طولده جوف
بطنه نافذ مستعرض عین آلتله حاصل و دروندن
کذا بر مقدار اقسام معاينه خروج ایش دیگر بر
جرحه و بونلرک آلتله ایکی ساتیمترو طولده مستعرض
و ایکی ساتیمترو طولده جوف بطنه نافذ دیگر بر جرحه
و مراق ایسری اوزرنده بش ساتیمترو طولده کذا
مستعرض و براز عالیدن اسفله انسیدن وحشی به
منجر جرحه عین آلتله حاصل جوف بطنه نافذ و دروندن
اقسام معاينه جقمش دیگر بر جرحه ایله بونک براز
آلتله ایکی بچق ساتیمترو طولده عین وضعیت
منجر جرحه دیگر بر جرحه و درت ساتیمترو اسفله
بر بچق ساتیمترو طولده بر دیگر جرحه و ناحیه
خشلیه سی صول جاننده بر ساتیمترو طولده عین
آلتله حاصل بر جرحه و ظهرنک صول طرف
طقوزنجی مسافه بین الضلی حداسنده و ناحیه
قطنیه سی صول جاننده بر ساتیمترو طولده عین
آلتله حاصل دیگر بر جرحه و معاينه ساندن کوملکنک
اتکاربیه ایچ طونک صول بجاغنده ده زیاده اولق
اولق اوزره مقدار کثیر دم لک لری و ناحیه قطنیه
سیله البسه سی آرسندن طایه شکنده قانه ملمع بوق
پارچه سی و جسدک چققدینی چقورده کذا دم لک لری
و متوفانک یا تمقده اولدینی آخو رک اوست قاننده
دوشمه تحته سنده بر مقدار لکه کورلش ایدوکی و بر
وجه بالا علامته نظراً متوفانک بطنده بولان جروح
متعدده دن وقوع بولان سیلان دم دن چند کون مقدم
مقتولاً وفات ایتمدنک اکلاشلدینی و دیگر راپورده ده
مش معاينه اولندقه رأسنک صاغ طرف ناحیه
جداریه سی اوزرنده عالیدن اسفله درت ساتیمترو
طولنده عمقی عظمه قدر بر آلت رضیه و یا صدمه
نتیجه سی بر عدد جرحه ایله وصول طرف وجهنده
عین سبیدن چند عدد مختلف جریده صیریقلر
کوریلوب اون کونده یوز غروش اجرته انشیام
بولدینی کوستملشدر .

قرائت اولنان تقریر و راپورلر مندرجانه قارشو
نه دیه چکی متهم دن صورلدقه ضابطه ده و مدعی
عمومی ایله مستطفک حضورنده اوله برشی سولیدیکری
و برادری عثمانک جسدی ظهور ایتمدیکی محله مرقوم
حال حیاتنده بر مقدار کوبره دوکش اولدیفندن اخیراً

اوراسنک قازلدیفنی فرق ایدمه مدیکری و مرقومک
صورت قتلندن معلوماتی اولدیفنی بیان ایلدی .
مدعی عمومیلک شهود بوضله سنده اسامیسی محرر
اولوب دعوت واقعه یه منی و رودایتلری خبر ویریلان
شاهدلر برر برر حضور محکمه به چقاریله رق لدی
السؤال مهم ایله مقتوله برکونه قرابت و خصوصت
و مناسبتلری اولدیفنی سولیدیکری علی الاصول تحلیفلری
بعد الاجرا منفرداً و مواجهه استماع اولندقلرنده
بولردن قاضی کوننده بل ذکرمانده آریلق چشمه سنک
یانشده اوتوز درت نومرولی خانده مقیم قرق بش
یاشنده ابنیه قافه سی و منارده سی طریزونلی مصطفی
بن سلیمان رمضان شریفک بشنجی جمعه ابرسی اخشای
مقتول عثمان کندی خانسه افشاره کلوب ساعت
بری اون دقیقه کتجه قدر او طوردقنصره دیگر
مسافرلر ایله کندوسی دخی برلکده چقارق عثمان
قوربعلی دره ده کائن قبودان پاشا جامعنده تراویح
نمازینی ادا ایتک و اورادن اقامت ایتمدیکی اخوره
کتیمک اوزره کندولردن آریلدیفنی و فردای ساعت
اوچ بچق درت راده لرنده او یقوده بولندینی صروده
بر شخصک کندوسی صوردفنی خانده سولیدیکری
قالقوب ممشی اشاغنده یاشنده چوال اولدینی حالده
کورمکه مرقومک معادی وجهله کیک آذیره جفی
طن ایدرک براز بکلمسی اخطار ایتمیکنده مرقوم
کیک ایتمدیکی و عثمان اخشام کلدی بوراده سی
قهورلده هر برده ایدم بولمدم دیدیکری و کندوسیده
اخشام بوراده ایدی افطاردن صکره چققدی البسه سی
اکتسا ایدیمده برابر آرایم دیهرک ایچرویه
کیدوب صکره چققدینه ممشی کیتش اولدیفنی
واوردن قاضی کونیه اینهرک بعض محللی تحری
ایدوب صوردفنده طاشچی حسین اغا اذیمده
کیتدیکی برادری ممشدن ایتمدیکی سولیدیکری
اورادن ده قوربعلی دره ده کیدر ایکن بقال عجم دخی
عثمانک اذیمده کیتدیکی برادری ممشدن ایتمدیکی
افاده ایلکله ممشی حقدقه کندوسنجه شبه حاصل
اولدیفنی و اوصره ده ممشی کچمکه اولدیفندن حاضر
بولنان قومیسر مرقومی چاغروب عثمانک زرده
اولدیفنی صوردفنده اذیمده کیتدی دیدیکری و حالبوکه
عثمان کجه ساعت یدی به قدر قهورجی عبدالرحمنک
قهوه خانه سنده او طوردینی محقق اولدیفندن اذیمده
اوله بجمله کیده میه چکی و برده مادامکه اذیمده کیتمشدر
علی الصباح کندوسندن مرقومی صورمسنک سبی
نه ایدوکی کندوسنه اخطار اولندقه ممشی برشی
سولیکسزین صاوشوب کیتدیکی و اخیراً مرقوم ممشی
برادرینی اتلاف ایدن کندوسیده اتلاف ایدرخونیه
آخورده بیتوت ایدمه مدیکری سولیدیکری و اون رکون

صکره عثمانک جسدی مدفون اولدینی محلدن چقارقمه
تشبک اتمی اوزرنه ایش میدانه چقهرق مرقومک
دردست اولدیفنی و مقدمات عثمانک مکتبه مکتبی
آلدیفندن ممشی عسکرلکدن چقنجه عثمان مرقومه
بش لیرا و یروب مکتبه کوندردیکری و ممشده کیدوب
بر سنه صکره والدیه سی وفات ایتکله ینه درسعاده
عودتله عثمانک یاشنده بش اون کون قالدینی حالده
کینه مدکلرندن ممشی طوزله یه عزیمت و اخیراً ینه
عثمانک زردیه کلوب برلکده اقامت ایلدیکری و دیگرکریله
منازعه ایتمکری بیلیموب اتحق زمان وقعه دن بش
کون مقدم ممشی عثمان ایچون یزد اذیمده کیتسه ده
بنده بوراده کی اوکوزلری صاتوب مکتبه کیتسم
دیدیکری ایتمدیکی افاده مضبوطه سی وجهله اخبار و عتد
السؤال حقدقه شهادت ایتمدیکی ممشی حضور محکمه ده کی مهم
ایدوکی و عثمانک غیوبت ایتمدیکی کجه نک فردای
ممشی کلوب عثمانی صوردفنی وقت مرقومک باش
و یوزنده یاره و ره بولندیفنی و مرقومک در دست
اولندقدن صکره ضابطه ده پولیس اقدیلر طرفندن
استجواب اولندقه یاره مسئله سندن طولانی منازعه
ایدوب عثمانی قتل ایتمدیکی و ذاتاً مکتبه عثمان پدرینی
قتل ایش اولدیفندن بجمله کندوسیده اخذ انتقام ایلدیکری
سولیدیکری علاوه تذکار ایلدی .

موسی الیهک ذات و شهادتیه قارشو نه دیه چکی
مهم مرقوم دن صورلدقه سبب بیان ایتیه رک شهادتی
قبول ایتیه چکی افاده ایلدی .

(مابعدی کله چک نسخه یه)

نظمه خانه ویرلک اوزره امانه کندوسنه تودیع
اولنان آتون ایکنه یی کم ایله امنیتی سوء استعمال
ایدن کوچک چاملیجه ده ساکن صوچی احمدچاوشک
ایکی آی حبسنه و ایکنه نک بدلی اولان بر لیرانک
تضمینیه ربی اولان برچارلک لیرانک دخی جزای
نقدی اوله رق اخذ واستحصاله
ارتالیانک مجروحیتنه سببت ویردیکی ثابت اولان
نشان طاشنده ساکن آریه چی علیشانک بر هفته
حبسنه و تقدیر ایدیلان یوز الی غروش مصارف
جراحیه نک دخی تحصیله

صوایی ضرب ایدن قالونجی قولتی جوارنده
ساکن مارقونک اون کون حبسنه
نچشنبه بازار یوقطه جیلرندن نیقولینک میشی
قوجونی ضرب ایلدیکی ثابت اولدیفندن بر هفته حبسنه
و بر لیرا دخی الهرق مضروب اعطاسنه
تشویقه ده ساکن مصطفی اقدی به اطاله
لسان ایدن پانغانی قره غولی مأمورلردن حسین
اقدیدن ایکی لیرا جزای نقدی اخذینه

ایساقی ضرب و جرح ایلدیکی اصولاً ثابت
اولان خاصکوی موقعی ژاندارمه افرادندن محمد علی
اغلاک اون کون حبسنه
صاری محمدی ضرب ایدن رژی تحری مأموری
کیار اغادن بر لیرا الهرق مضروب ویرلسنه
حال حسین ضرب ایدن قاسم پاشلی حال حسنک
بر هفته حبسنه
غلطه ده طوغری بولده ساکن آندونک کچی
بشایوطک زنجیری سرق ایلدیکی ثابت اولدیفندن
اوچ ماه حبسنه و ختام مدت جزایه سنده ضابطه جه
کفالته ربطه

و یقتورالک اشیا سی سرقه تصدی ایلدیکی ثابت
اولان ایساقک اوچ آی حبسنه و ختام مدت جزایه سنده
ضابطه جه کفالته ربطه
یوانک خانه سندن اشیا سرق ایلدیکی ثابت اولان
یاشنک اوچ آی حبسنه و ختام مدت جزایه سنده
ضابطه جه کفالته ربطه

آندون ولدنیقولی و مانول ولدیمترینک اتمکچی
قسطنیک لیرا اشیا سی سرق ایلدیکری اصولاً
ثابت اولسنه و مرقومانک عین فعلدن دولای محکومیت
سابقه لری بولمنسه بناء آندونک آلی آی و مانولک
برسنه مدته لره حبسلسرینه و دائره امانته موجود
اولدینی بیان اولنان اشیا نک دخی قسطی به اعطاسنه
قالیونینک چاملرینی قیددینی ثابت اولان تاتار
حسنک بش کون حبسنه

اسماعیل اقدینک لفتی ضرب و جرح ایلدیکی
اکلاشلدیفندن اون کون حبسنه درسعادت ، بک
اوغلی و اسکدار بدایت محکمه لری جزا دائره لرنجه قرار
ویرلشدر .

اعلانات

درسعادت استیناف مدعی عمر میلکنده :

بیک اوچوز اون سکر سنه سی کانون اولنک
یکرمی دردنجی صالی کونی کراسته جیلرده حالی
ناجری ایرانی فتح علی اقدی بی ضرب ایدرک اثر
ضربدن اتحق درجه رؤیتی ضیائی ظلمتدن تقریق
ایدر درجه یه تنزیل ایتمدیکی ادعاسیله مظنون علیه
اولوب غیر موقوف بولنان اوزره بولی قراال یتلی
آچق آلی قره قاش و صاچلی کستانه رکننده کوزلی
اورته برون و اغزلی مطروش مدور چکللی عن اصل
قیصریه لی اولوب قاتمده اسکی عمارت محله سنده پدرینک
متصرف اولدینی خانه ده متأهلاً ساکن و کراسته جیلرده
پدریه برلکده کراسته جیلک ایدن اوتوز یاشنده شکری

اقدی ابن حاجی موسی اقدینک اصول محاکمات
جزایه قانوننک مواد مخصوصه توفیقاً درسعادت
جنسایت محکمه سنده جنجه ایله لزوم محاکمه سنه
قرار ویریلان حاجی موسی اقدی ایله برلکده
محاکمه لری اجرا قلنمق اوزره قانون جزانک یوز
یتش بدنجی ماده سی موجب جنایتله اتهامه قرار
ویرلکندن مهم مرقومک هر زرده کوربلورسه
طویلوب محکمه مذکوره توقیفخانه سنه تسلیمی لازم
کله چکی بالجه ضابطه عدلیه مأمورلرینک معلومی
اولق اوزره اشو اخذ و گرفت مذکوره سی درسعادت
هیئت اتهامیه سندن بالتظلم اعطا قلندی

ازمیه سنجانجی بدایت محکمه سی جزا دائره سنده :

بیک اوچوز اون سکر سنه سی مایسنک یکرمی
طقوزنجی چهارشده کونی اقشامی ساعت اون ایکی
راده لرنده اطه بازارینه مربوط قره صو ناحیه سنک
قوزلق قریه سی اهالیسندن سردار اوغلی ارسلان
اغای بالنسازعه روولور قورشونیه جرح و قتل ایلدیکی
ادعاسیله مظنون علیه اولوب درسعادت هیئت آنها
میہ سندن حقدقه اخذ و گرفت مذکوره سی ویرلش
وعقیب وقعه دنبرو وادی فرارده بولنش اولان قریه
مرقومه اهالیسندن اوزونجه بویل صاری بیق و صقالی
مائی کوزلی و بورنک اوچیده صول طرفه کریمه تخمیناً
اوتوز بش یاشلارنده اسعد اوغلی محمد آلان اله
کچوریه مامش اولمستندن ناشی اصول محاکمات جزایه
قانوننک اوچوز یتش بدنجی ماده سی موجب جنجه
قانونه اطاعتله محکمه به کتبی ایچون طرف ریاستندن
مجدداً اون کون مهل ویرلش اولدیفندن مدت مذکوره
ظرفده اثبات وجود ایتمدیکی حالده محاکمه سی غیاباً
بالاجرا حقوق مدنی دن اسقاط و اموالی حیز اید
یله چکی و بوباید مرقومک برکونه دعوی اقامه سنه حق
اوله میه چکی مرقومک بولندینی محلی بیلنلر خبر
ویرمکه و بالجه ضابطه عدلیه مأمورلرینک مرقومی
دردست اتمکه مجبور بولندقلری اعلان اولتور .

نجات برده حکم سنده :

بک اوغلنده تونل خانی اتصالده کائن مغازه ده
ساکن ایکن تجارت بحیره محکمه سندن افلاسنه حکم اولنش
اولان یورکی اطنا شیدینک خصوصات افلاسیه سنک
رؤیت و تسویه سی ضمنتده دعوی وکیللردن قدری
بکله عنکلنوس یوانیدیس اقدی اصالة سندیک تعین
قلنمش اولدقلردن مفلس مرقوم ذمتنده آله چکی
اولنلرک قانوننامه تجارتک ۱۹۹ و ۲۰۰ نجی ماده لری
موجب جنجه تحقیق دیون ایچون تاریخ اعلانن اعتباراً

يکرمی برکون طرفده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی ۳۱۹ سنه سی اغستوسنک یکرمنجی چهارشنبه، یکرمی برنجی پنجشنبه ویکرمی اوچنجی جمعه ایرتسی کونلرنده تجارت بحریه محکمه سنک افلاس اوطنه سنه کلهرک سنديک اقدیلر مواجهه سنده آله جقلری اثبات وقید وتصدیق ایتدیرملری ومدت مذکوره ده اثبات وجود ایدهمیان آله جقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور .

ایکنجی تجارت محکمه سنده :

غلطه ده قدقلی جاده سنده ساکن ایکن ایکنجی تجارت محکمه سنندن افلاسنه حکم اولنش اولان بقال اندون قسطنطنیدينک ذمتنده اله جققی اثبات ویاموقناً قبول وقید ایتدیرمش اولان اله جقلولرک قانوننامه تجارتک ۲۱۱ نجی وانی ولی ایدن ماده سی موجبجه مفلس طرفندن تکلیف اولنه جق قوتقورداتک مذاکره سی ایچون ۳۱۹ سنه سی اغستوسنک اون ایکنجی صالی کونی محکمه مذکوره نک افلاس اوطنه سنه کللری اعلان اولنور

اسکدارده یکی محله ده ارمی کلیسای جاده سنده بلانومرو دکانده مقیم مانیقاطوره تجارتیه مشغول ایکن ایکنجی محکمه تجارتدن افلاسنه حکم اولنش اولان بخور بولارک خصوصات افلاسیه سنک رؤیت وتسویه سی ضمتنده دعوی وکیللرندن بغوص افندی یالیزجیان اصالة سنديک تعیین قلنمش اولدیغسندن مقاس مرقوم ذمتنده اله جققی اوللرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون طرفده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اشوب بیک اوچوز اون طقوز سنه سی اغستوسنک یکرمی برنجی پنجشنبه ویکرمی اوچنجی جمعه ایرتسی ویکرمی بشنجی بازار ایرتسی کونلرنده ایکنجی محکمه تجارتک افلاس اوطنه سنه کلهرک سنديک اقدیلر مواجهه سنده اله جقلری اثبات وقید وتصدیق ایتدیرملری ومدت مذکوره ده اثبات وجود ایدهمیان اله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

سولنیک تجارت محکمه سنده :

سلانیک تجارت محکمه سنجه افلاسنه حکم ایدلمش

اولان یاقو ولیاهو مودیانونذمتنده الاجققی اثبات ویا موقه قید وقبول ایتدیرمش اولان الاجقسلولرک قانوننامه تجارتک ایکیوز اون برنجی وانی ولی ایدن ماده سی موجبجه مفلس طرفندن تکلیف اولنه جق قوتقورداتونک مذاکره سیچون شهر اغستوسنک اون برنجی بازار ایرتسی کونی ساعت طقوز بحق راده لرنده محکمه مذکوره یه کللری اعلان اولنور

قره سی سنانجی بدایت محکمه سی تجارت قسمنده :

کره سونده فابریقه سننده مقیم تجارتدن بریکلی آندونیادینک اعلان افلاسنه ومصالح افلاسیه نک رؤیت وتسویه سی ضمتنده اعضاءدن رفعتلو لازاراک افدینک ژور قومیسر ودعوی وکیللرندن رفعتلو سعدالدین وفوادیکلرک موقت سنديک تعیینلرینه واموال تجاریه سی ایله عقاراتنه وضع یدودفاترینک جلبه ومبدأ افلاسک ماسه جه وقوعوبوله جق تدیقایته کوره تعییننه قره سی بدایت محکمه سی تجارت قسمنجه قرار ویرلدیکندن قانوننامه تجارتک ۱۷۰ نجی ماده سی موجبجه دائمی سنديکلر انتخاب اولنلق اوزره شهر اغستوسنک اوچنجی بازار کونی ساعت درت راده لرنده اصحاب مطلوبک بالیکسمرده دیون عمومیه اداره سی اتصالنده کائن برنومرولی افلاس اوطنه سنه مراجعت ایللری اعلان اولنور

اسکدار بدایت محکمه سی اجرا دائره سنده :

عطیه خانمک خراسانجی اغوب ذمتنده الاجققی بولنان مبالغک تأمین استیفاسی ضمتنده حجز اولنان درسعادتده خواجه خیرالدین محله سنده کوچک بازار جاده سنده مذکور جاده ایله یکی زقاق اراننده واقع اریقدار خان دیملکه معروف برطرفی شکرچی دکانی وبعضاً یعقوب اغانک قهوه دکانی باغچه سی وبرطرفی یکی بول وبرطرفی آینه لی احمد اغانک منزلی وبعضاً سبزواتجی دکانی وطرف رابعی طریق عام ایله محدود خانده مدیون اغوبک متصرف اولدیغی (۸۶) نومرولی اوطنه عرصه سنک یالکزملکی وینه مذکور خانده ۳ و ۱۷ و ۵ و ۷ و ۱۱ و ۱۵ نومرولی اوطنه لرک هوایی کدکی ومذکور خانک آلت قاتنده (۳۳) نومرولی اوطنه نک ملک وکدکی ومذکور قاتده (۲۵) نومرولی اوطنه عرصه سی وینه خان مذکورک فوقسنده (۲۷) نومرولی اوطنه نک ملک وکدکی وینه مذکور قاتده (۲۹) نومرولی اوطنه عرصه سیله (۲۰) نومرولی محدث اوطنه باشی اوطنه سی عندالمزایده ایرای عثمانی یوز غروش حساسیله الی بیک غروشنده طالبی عهده سنده تقرر ایدرک تاریخ اعلاندن اعتباراً برماه ختامنده اجرا قانونی احکامنه

توفیقاً قرار قطعیمی ویریله جکی جهته یوزده بش ضمیله زیاده یه طالب اوللرک مدت مذکوره طرفنده اسکدار بدایت محکمه سی اجرا دائره سنه مراجعت ایللری اعلان اولنور .

بک اوغلی بدایت محکمه سی اجرا دائره سنده :

اغوانی قادینک فاطمه جمیله خانم ذمتنده الاجققی اولان معلوم المقدار مبالغک تأمین استیفاسی ضمتنده دایشه مزبوره عهده سنده مرهون وفروختی بک اوغلی بدایت محکمه سی برنجی حقوق دائره سنک ۱۰ مارت سنه ۳۱۹ تاریخلی اعلامیه محکوم بولنان غلطه ده طوبخیلر جاده سنده توسیع انتقالی اجرا قلنمش اولان یوزسکسان طقوز ویوزطقسان برنومرولی ایکی باب مغازه نک نصف حصه شایه سنک تاریخ اعلاندن اعتباراً اون بش کون صکره بالمزایده فروخته تشبث اوله جنی بک اوغلی بدایت محکمه سی اجرا دائره سنندن اعلان اولنور .

صراف طومه اناغوسنیدی افدینک ضبطیه نظارت جلیله سی اطباسندن سعادتلو علی بک افندی ذمتنده بک اوغلی بدایت محکمه سی برنجی حقوق دائره سنندن مصدق صلحنامه موجبجه محکومیه اله جققی اولان معلوم المقدار مبالغک تأمین تسویه سی ایچون مدیون مومی الیهک مالی اولوب داین مومی الیه نامنه فراغ بالوفا صورتیه مرهون وفروختی صلح واقع اقتضاسندن بولنان فندقلیده ایاس پاشا محله سنک چشمه آرقه سننده واقع اوقافه ملحق قاضی ابراهیم افندی وقفندن سر بوایین ابراهیم افندی وققیله مخلوط ویکرمی ایکی نومرو ایله مرقم معلوم الحدود تخمیناً یوز الی ذراع مقصداری عرصه سکز بیک بشیوز غروش التون اقچه بدل ایله طالبی عهده سنده تقرر ایدرک موقت قراردادده سی چکلشمش اولدیغندن تاریخ اعلاندن اعتباراً اوتوز برکون طرفنده یوزده بش ضمیله زیاده یه طالب اولانلرک ودها زیاده معلومات المق ایستیانلرک یوزده اون نسبتنده کی دیویوزیتو اچقلری مستصحباً بک اوغلی بدایت محکمه سی اجرا دائره سنه مراجعت ایللری ومدت مذکوره ختامنده یعنی شهر ایلولک برنجی بازار ایرتسی کونی ساعت طقوز بحقده قراردادده قطعیمی کشیده قلنلق اوزره سالف الذکر عرصه پیشکاهنده مأموری حضورنده حاضر بولملری بک اوغلی بدایت محکمه سی اجرا دائره سنندن اعلان اولنور .